



古今事文類聚

外集
六三七

~~89~~
~~86~~

道通文庫
文庫 6
28
86





新編古今事文類聚外集卷之六

南江 富大用 時可 編

金陵 唐富春 子和 刊

統軍司部

都元帥 附副元帥

歷代公輩元帥舊無其名左傳晉作三軍謀元帥雖有元帥之稱而非官名後周太象元年詔以上柱國為行軍元帥隋以親主為之唐凡親主總戎曰元帥文武官總統則曰總管高祖定京師置左右元帥太原道行軍元帥西討元帥天寶未置天下兵馬元帥皆以親主領之又以大臣為副元帥大曆

事類彙編卷之六

八年罷天下兵馬元帥建中四年以李希烈反置諸軍行營
兵馬都元帥會昌中置靈夏六道元帥天復二年置諸道兵
馬元帥尋復改曰天下兵馬元帥五代長興間加為天下兵
馬大元帥錢俶在漢朝為東南面兵馬都元帥宋建隆元年
加錢俶為天下兵馬大元帥元立都元帥府掌征討之事有
都元帥左右二副元帥左右二監軍又有檢法等員

羣書要語方叔元老克壯其猷詩晉作三軍謀元帥左傳

古今事實

詩書元帥

晉作三軍謀元帥趙衰曰郤穀可臣亟聞其言矣說禮樂而敦
詩書詩書義之府也禮樂德之則也德義利之本也

節度元勳

唐詔郭子儀李光弼等九節度之師討安慶緒帝以子儀光弼
俱是元勳難相統屬故不立元帥

征討元帥

唐榮士琬為征討元帥高仙芝為副琬素雅稱風格秀整時士
庶咸服焉

撫軍元帥

唐寧王琰英毅有才略善騎射每血戰在前時玄宗幸蜀留肅
宗計賊至靈武肅宗即位欲以廣平王為元子以琰為兵馬元
帥左右曰廣平今未冊立艱難時人猶屬望于元帥况太子從
曰撫軍守曰監國今之元帥撫軍也廣平為宜遂以廣平為元帥

玉冊金印

同光中以錢鏐為天下兵馬都元帥尚父尚書令封吳越國王賜玉冊金印

手詔勅書

唐代宗卽位內官程元振忌嫉宿將郭子儀巧行離間請罷副元帥子儀既謝恩上表進肅宗所賜前後詔勅因自陳訴曰陛下曲垂惠獎念及勤勞貽臣詔書一千餘首聖旨微婉慰諭綢繆彰微臣一時之功誠子孫萬代之寶自靈武河北河南彭原鄜坊河東鳳翔兩京絳州臣所經行賜手詔勅書凡二十卷昧死上進庶煩聽覽詔答曰朕不德不明俾大臣憂疑朕之過也

臨軒授敕

德宗幸山南以渾瑊充朔方節度使武等道兼永平軍奉天行營兵馬副元帥上臨軒授敕用漢拜韓信故事

上樓行禮

唐郭子儀自涇陽入朝帝御安福門待之命子儀樓上行朝見之禮宴賜隆厚

圖凌烟閣

唐德宗初為天下兵馬元帥封魯王時史朝義據東都代宗遣德宗會諸軍大舉破賊于洛陽朝義走河北分命諸將追之俄而賊將斬朝義首以獻河北平以元帥功拜郭子儀等八人圖形于凌烟閣

創凌烟閣

昭宗末年中書奏西京舊有凌烟閣圖畫功臣今遷都洛陽合
議脩建副元帥梁王勳庸冠世仍請凌烟閣側別創一閣以表
殊勲從之

陳人退走

後周韋孝寬至淮南所在皆密送誠款謂五門尤為險要陳人
若開塘放水即津洛路絕孝寬遽守之陳刺史吳文立果遣決
堰已無及於是陳人退走江北悉平

公拓授首

唐輔公拓據江東反命河間王孝恭為行軍元帥擊之將發宴
諸將取水忽化為血在坐失色孝恭飲之曰此公拓授首之徵
也眾服其識度後果擒公拓

有功遷統

開元十八年奚契丹犯塞肅宗時為忠主乃授河北道元帥信
王偉為副帥御史大夫李朝隱等八總管兵討之及諸將大破
奚契丹肅宗以遷統之功加司徒

竟不臨戎

隋開皇十八年以漢王諒為行軍元帥水陸二十萬伐高麗諒
至遼水師遇疾疫不利而還十九年突厥犯塞又以諒為行軍
元帥竟不臨戎

清河江神

隋楊素為行軍元帥伐陳素率水軍東下舟艦蔽江旌甲耀日
素坐平乘大船容貌雄偉陳人望之曰清河公即江神也

兩浙尚父

唐詔曰朝廷每有將相恩命准往例列銜於勅牒後側書使字今兩浙節度使錢鏐是元帥尚父與使相名殊不合列署勅尾今後每署將相勅牒宜落下官位仍未為式

詔置寮屬

吳越正明三年詔授錢鏐諸道兵馬元帥四年置元帥府寮屬遣將誓師

錢弘佐開運三年詔授東南兵馬都元帥李蘊贊之求救也諸將皆不欲行弘佐因召文武官集議果言山水險惡不可與兵弘佐變色曰唇亡齒寒古之明戒吾為天下元帥豈不能恤隣若有異議者斬衆皆攝伏乃遣將誓師辭令明肅果有成功

監軍

歷代沿革 史記司馬穰苴請以寵臣為監軍 後漢光武使來歙監諸將 晉武帝以刺史為監軍 唐以宦者為監軍 五代後唐亦有太原監元都元帥府有元帥左右二監軍亦掌征討之事

古今事實

銳卒遊軍

司馬文正征壽春使監軍石苞簡銳卒為遊軍 魏志 襄張撫帝

後唐張承業為太原監軍常從征討王師既退沐營大將周德

威慮其奔衝堅請退舍帝怒番帳而寢諸將咸請監軍請承業
遽至牙門褰帳而入撫帝曰此非安寢時周德威老將洞識兵
勢姑務萬全不可忽帝蹶然而興曰予方思之其夕遂收軍
代史

斬狗驕貴

齊司馬穰苴將兵扞燕晉之師苴曰臣素卑賤願得君之寵臣
國之所尊以監軍景公使莊賈往苴與賈約會日中於軍門苴
先馳至軍立表下漏賈素驕貴夕時乃至苴遂斬賈以徇三軍
士皆震慄服之史記

懲踰法禁

張承業為太原監軍武皇屬以後事曰吾兒孤弱羣庶縱橫後

事公善壽之承業奉遺詔兼畧居多在宗感其意凡事之時諸
王之貴介弟在晉陽宮或不以其道承業悉不聽踰法禁者必
懲由是貴戚斂手

不與積錢

後唐莊宗時或有中傷監軍張承業於莊宗者言專美威柄廣
納賂遺莊宗歲時還晉陽宮省太后嘗置酒命典聖宮使繼及
為承業起舞既罷承業出寶幣幣馬奉之莊宗指錢積謂承業
曰和歌繼及字也無錢使七歌與此一積室焉非殊惠也承業
謝曰郎君歌舞承業自出已俸錢此錢是大主庫物准擬支贖
三軍不敢以公物為私禮也

自効矯詔

事文類聚

卷之六

六

宋均為監軍時將軍馬援征漢南臨水軍士多病均懼衆疾疫
矯詔迫降之諸將莫應均力勒兵圍賊詐為詔而降之為置長
史而歸自劾矯詔之罪帝善之

止可委官事

蕭復為相嘗言艱難以來始用官者監軍權望太重是曹止可
委官掖事兵要政機難使衆領帝不聽

不得干軍要

李德裕為相先是韓全義敗於蔡杜叔良敗於陳皆官人監軍
制其權將不得專進退詔書一日三四下宰相不與又諸道銳
兵驃士皆監軍取以自隨每督戰乘高建旗自表小不勝輒出
旗去大兵隨以北由是王師所向多敗至討回鶻澤潞德裕奉

請詔書付宰司乃下監軍不得干軍要自是號令分明將乃有
功

口毀子儀

唐九節度圍賊相州以魚朝恩為觀軍容使郭子儀有定天下
之功居人臣第一朝恩心妬之乘相州敗醜為詆譖肅宗不納
其語然猶罷子儀兵軍京師代宗立與程元振一占加毀帝未
及寤子儀憂甚俄而吐蕃陷京師卒用其力王室再安朝恩內
斬

天奪子布

張承業為太原監軍帝初獲王璽諸將勸帝復唐正朔承業自
太原急趨謁帝從容言曰今元凶未殄軍賊不克願殿下受人

推戴悠悠之謀無從實事因泣下沾衿帝曰予非所願奈諸將何承業自是多病日加危篤卒於官凶問至帝悲慟連日輟食因言曰天奪孤之子布也

招討使 附副招討

歷代沿革唐貞元時置招討使自後隨用兵權置兵罷則停後以節度兼支度管田招討經畧使則有副使判官各一人五代後唐亦以招討使為都統之副宋因之元有招討使副招

討 羣書要語前命相臣招懷撫於而註誤示以生門期於盡脫網羅豈欲驅之陷牢而豺狼當道荆棘臺衣雖欲歸之於仁厥略

無由而至元稹裴度制 一劔橫陣萬夫莫前陰則難窺勇則重

閉亞夫緩急之任繼父絳侯祭遵禦侮之才為吾子路一品集

王宰制

古今事實

兼招討使

唐德宗初即位建中二年田悅圍邢州次臨洛詔河東節度使馬燧與昭義節度使李抱真神策將李晟合兵救臨洛悅兵大敗邢州圍亦解以功右僕射尋又加燧魏博招討使二年又敗悅於洹水詔加魏州大都督府長史兼魏博等四州節度觀察招討使

讓招討名

裴度受淮西官慰招討處置使詔出度以韓弘為淮西行營都統不欲更為招討請稱臣慰處置使從之

賊鋒屢挫

來瑱為潁川郡太守充招討使肅宗以瑒武畧久加委任遷兼御史大夫比收河洛屢挫賊鋒頗來攻皆為瑒所敗賊等懼之號為來嚼鐵

籌畫皆出

五代後唐莊宗與郭崇韜謀討伐之計時明宗為諸道兵馬總管當行崇韜自以官者相傾欲止其功以制之乃奏曰魏王繼岌德望日崇大功未著宜依故事以親王為元帥莊宗曰小兒幼稚安能獨行卿當擇其副崇韜未奏莊宗曰無踰於卿乃以

繼岌為都統崇韜為招討使率親軍六萬進討西川籌畫皆出崇韜繼岌承命而已

曰龍圖公

范仲淹知慶州兼經畧招討使未幾賊兵三萬叩城仲淹麾兵戰賊奔北遂戒諸將無追奔既而果有伏兵又奪馬為木順城及築細腰胡蘆等寨招明珠滅滅一強族萬餘人及命環州种世衡招千餘人父之王師再喪於定川仲淹晝夜領兵為援初關輔人心動搖及見仲淹耀兵號令嚴明威震戎落人心遂安第相賀曰邊上自有龍圖公為長城吾屬何憂

募郭代公

慶曆三年以鄭戡代仲淹為四路都招討置府於涇管慨然募

郭代公功業元昊擁眾臨黑山戩勒兵巡邊抵鎮我趨蓮花堡
置酒高會旌幟絡野饒鼓喧天虜眾十萬相顧不敢動元昊謂
其下曰我已遣使稱臣朝廷何為復用此公其畏如此

都統領

歷代沿革 晉孝武帝太元十九年有河西大都統唐天寶未置
為天下兵馬元帥都統朔方河南北平盧節度使都統之名
始於此乾元元年戶部尚書李暄除都統淮南江東西節度
使宣尉觀察處置等使都統之官始於此唐制或總五道或
總二道上元末省大中後討徐州以康承訓討黃巢以荆王
鐸為都統黃巢之難置諸道行營都統掌征伐兵罷則省雖

總諸道兵馬不賜旌節宋諸軍都統制者自渡江已前亦有
之然未嘗為官稱蓋是時陝西河東三路皆以武臣職高有
智者為馬步軍副都總管遇出師征討則加以都統制軍馬
之名非有司分也建炎元年置御營司遂擢王襄愍為都統
制都統制名官自此始大槩南渡置統制一則兵與稱謂不
一諸路起兵有自稱統制者州縣管押勒王兵者亦有稱統
制者諸道都總管及諸司便宜差統制者建炎初劉光世上
言於是並罷惟中都主兵朝廷差充統制者仍舊紹興十一
年韓世忠張浚岳飛除樞密副使罷宣撫司其統制將副並
改充御前隸樞密院各帶御前字入銜其兵馬就令所部統
制官節制而都統皆以屯駐名冠軍額之上獨川陝如故嘉

定初蜀叛既平安觀文又奏分興州十軍為沔利三軍沔州除都統制利州除副都統天下有十都統矣是年元木犯泗州詔樞密使張俊於鎮江府置司措置江淮守備後發張憲事併岳飛賜死俊遂薦其將定遠軍節度使田師中掌故岳飛之兵又薦清遠軍節度使王德往金陵於是並詔為御前都制師中於鄂州德於建康府駐劄其後大軍又有統制同統制副統制統領同統領副統領等其下乃有正將副將準備將之名皆偏裨也舊制準備而上自主帥陞差仍先申樞密院定察紹熙四年詔江上陞差統制至準備將令主帥解發三人赴總領所內選一名慶元三年詔陞差並委主帥自是主帥之權復重矣

元

統軍司有統軍使統軍副使及都統

領統領副統領知事之職

羣書要語元戎十乘以先啓行詩卻殺將上軍左傳長子帥師

易梁弘御戎左傳戎帥賜朱克融詔節將李徽公集宜兼領護

之權副師貞之吉李若幽制執羈羈府盡忠肅之勤誠奪劔元

戎蓋旄麾之茂績張延師制折衝之寄符王帳而總金壇同上

出總戎麾杜佑制分委戎輅作鎮孟津杜牧行李班冊授銅符

之律王縉制執戎鈴以泣衆杜黃裳制往持戎律陳敬瑄制權

握兵戎討董昌制建牙統衆必籍雄才陸集劉洽制出統戎旆

宋廣平集詔來帥熊熊四方作儀翰父為戎臣師同上分命督

將保寧疆境開元戎勵州牧將詔

詩句弓箭圍狐兔韓百萬貔貅趨王帳三千賓客冠金貂羅隱

事類彙編

卷之六

古今事實

出鎮河中

郭子儀上元初詔為諸道兵馬都統令奉諸鎮之師徑抵范陽詔下旬自為魚朝恩所間事竟不行永泰元年以子儀都統河南節度使行營出鎮河中分紀

蕩滌羣寇

乾符黃巢大掠江淮宰相王澤曰臣忝宰相之長在朝不足分陛下之憂願自率諸軍蕩滌羣寇朝議然之乃拜守司徒平章事判南節度使諸道行營兵馬都統唐會要

意氣相期

太宗引尉遲敬德為右一府統軍右僕射屈突通咸言敬德初歸國家情志未附請殺之太宗曰寡人所見有異遽命釋之引入卧内賜與金寶謂曰丈夫以意氣相期勿以小疑介意寡人終不聽諛言以害忠良今以此物相資表一時共事之情也是日因從獵於榆窠遇王世充領步騎數萬來戰世充驍將軍單雄信領騎直趨太宗敬德躍馬大呼橫刺雄信墜馬敬德翼太宗以出賊圍太宗謂敬德功最多比眾人證公必叛天誘我意獨保明之福善有徵何相報之速也特賜金銀一篋恩賜日隆

官序相當

德宗幸梁洋回初廢天威軍左右神策軍舉西漢謁者隨何下淮南功拜為中尉故事命神策監軍為中尉又以功臣數或

有秩至司空僕射罷鎮入朝無官序相當乃置六軍統軍秩視
六尚書為節制迴翔之地分紀

柘臯敗虜

李顯宗字君錫元木寇邊劉光世充三京等路宣撫使表公為
本司前軍都統制上以宸翰賜公曰卿如立奇功與卿建節諸
將會淮西戰于柘臯元木大敗公追至孔城奪鞏倪之被虜者
以萬計言行錄

和尚原戰

丞相魏國張忠獻公浚元木欲窺蜀公令陝西都統制吳玠於
鳳翔府之和尚原先屢戰地誘致其來元木引衆十餘萬來犯
玠與虜戰凡三千餘陣元木中箭而遁俘其將羊哥堂董及曹

領二百甲殺賊衆橫屍滿野元木其衆損者過半皆吟呻扶攜
以歸同上

大入洲戰

李顯忠時逆亮犯順公以池州都統移軍舒城除御營先鋒都
統制堠騎報賊兵萬人渡淮公領趙康年等與虜戰于大入洲
首挫其鋒乘勝掩擊過淮虜軍溺死者千餘人同上

立功取節鉞

賊衆劉猗十萬已次于濠壽之間張浚拒之詔併以淮西軍屬
浚沂中為張浚統制官浚遣沂中至泗州與浚合且使謂之曰
上待統制厚宜及時立大功取節鉞或有差跌浚不敢私言行錄
破賊復江州

和義揚郡王沂中傳李成叛江南招討使張浚議所以破賊王
 時為右軍統制官遂由上流徑絕生米渡出賊不意遇其先鋒
 擊退之賊將馬進銳卒數萬來犯浚率步兵攻其前沂中乃將
 騎數千與神武後軍統制陳思恭出山後前後夾擊乃大破之
 遂復江州同上

古今文集

雜著

張韓公廟碑銘

李遐叔華

唐之元老有大庇於生人曰韓公公盡禮太朝位尊將相三城
 立廟軍帥乞靈則祠之天保季歲華奉使朔方展敬祠下式瞻
 風來像與神合沉沉如生嗚呼生以公為臣歿以靈為神神乎

宜奉公總戎疆外懸衡審政拒隴循河懸直萬里堅城雄防
 敵二輔介冑之士垂十萬人瞻我麾節以為進退先是突厥犯
 塞乘勝入朔方游騎至安定官軍不到經畧失守虜乃驅監牧
 之駱北退存廬張進圍聚邑嗚弓躍馬規復漠南邊人搥心元
 聖軫念節將更至咸以為請搢紳獻議則以和親為便中宗未
 之許也初以公耄老且重煩之及卜師於太官之庭唯公之吉
 至尊親臨前殿授以兵符公承命徂征北蕃逆駭記所謂君子
 有其時有其命公得其二而伸其一者也公忠貫神明屬幾造
 化鎮以長策潰其奸謀一麾偏師署名主復喪馬棄堅拂雲雜
 而城之並阿之法列築三鎮將精士銳談笑就役匈奴莫敢南
 視雷哭而遁老幼望公以相震怖不然則乘冰轉關無日無之

既而據河山翫其動靜納行旅歸之衽席憑墉而望四馬單兵
不匿形影虜由是概手足而剗腹心朝廷無尊竊之虞矣天下
咸征役之半夫詩云文武吉甫萬邦為憲又曰方叔元老克壯
其猷公之謂也帳下之厮尚有存者曰公號令素嚴人無違禁
自將吏騎卒咸有旌表節不常出出則賞罰隨之賞無非功罰
無非罪上流而下競心行而事從謀全功成由此術也二城既
就刊木標穉記之種落刻其降年後皆知之豈挺生上將之龜
策也奇鑒生物之然也夫鳥獸草木出其倫輩猶或利害焉
况殊績功勳始終天地翼輔先聖寵綏元元有茅社之尊符節
之重後奉者果一勝遂一謀庸非聖明幽贊之效雅有吉甫薄
伐至于太原王命南仲城彼胡方傳稱齊桓伐戎攘狄以其左

燕威衛魏絳和戎狄合諸侯從古及今以為大功其餘秦恬漢
青之倫總丘垤耳尚或筮頌颺之簡冊貴之况忠武卓異屢復
今昔而詠歌無之非古也竊感趙孟懷隨武之德寤寐咏歎奉
銘神宮其文曰

赫爾韓公同武有經受命北伐渠魁就刑敢或不順鼓行風霆
崇岱壓邱滄波灌螢沉泉雷動機發冥冥功奮三城人誼億齡
謀出先後構危於寧張天之威恢廟之靈北狄頓顙山戎來庭
萬里寢柝綠河罷宿越拜故祠德謝惟馨翔野何有群山青青
感激遺風徘徊涕零吾誰與歸式薦斯銘

律詩

次潼關上都統相公

韓愈

暫辭堂印執兵權盡管諸軍破賊年冠蓋相望催入相待將功
德格皇天

塞上贈王大尉

僧惠

飛將是驃姚行管已近遼河水堅度馬塞雪密藏鵬敗虜殘旗
在全軍列帳遲傳呼更號今夜取天驕

和聖製送石象都護兼鴻臚歸安西 王維

上卿增命服都護揚歸旆鳴笳瀚海曲按節陽關外落日下河
源寒山爭秋塞無戰是天心天心同覆載

上裴行軍都統

耿緯

胡塵已滅天山外閉閣陰陰日復曛檉上華駟嘶鼓角門前老
將識風雲旌旗四面高秋見絲竹千家靜夜聞莫道古來多計

策功成唯有本將軍

贈超將軍

孟郊

當年瞻暮已縱橫每見妖星氣不平身貴早登龍虎道功高自
拔鹿頭城尋常得對論邊事委曲承恩掌內兵會取安西將報
國凌烟閣上早書名

管軍總管

歷代公輩魏黃初始制都督諸州軍事後周改都督諸軍事為

總管武帝時以王謙為益州總管之名始此隋文帝以并益

荆楊四州置大總管其餘總管府置於諸州列為上中下三
等加賜持節煬帝改帥都督為旅帥唐諸州復有總管亦加

賜持節刺史亦加號持節武德初邊要之地亦置宋馬步軍都總管以節度使充副總管以觀察以下充有止一州者有數州為一路者有帶兩路三路者或文臣知州則管勾軍馬事舊相重臣亦為都總管有禁兵駐海其地者冠以駐海之名咸平廢三路都總管景德詔鎮定兩路併為一路諸路並去行營之名止為駐泊總管慶曆二年詔近分陝西緣邊為四路各置經略安撫招討等使自各路分總管鈐轄以上諸與都總管司同議軍事路分都監以下並聽都總管等節制違者以軍法論七年析河北四路各置都總管一員如無事止以安撫使總制諸路八年諸州部署並改總管兵馬總管副總管總管舊曰部署英宗廟諱改為有兵馬總管副總管

凡武臣以諸司使以上充文臣以兩省五品以上充一州即為兵馬總管一路即為安軍總管副總管建炎元年李綱言守備當於汾河汾淮汾江置帥府要郡以控扼其帥府文臣一員帶安撫使馬步軍都總管武臣一員充副總管改路分為副總管遇朝廷起兵則副總管為帥副鈐轄都監各以兵從出聽其節制正官願行者聽紹興二年要郡守臣罷帶兵職諸路副總管可依舊改充路分鈐轄五年密院言東南多事合要近上官總領軍政乃詔兩浙江南荆湖福建廣東可依三路置總管於帥府七年淮東置總管十二年諸路並置州總管一員有管軍總管其下有管軍上中下百戶等員千戶管軍總把管軍上中下百戶等員

古今事實

當今名將

太宗曰當今名將惟李勣薛萬徹江夏道宗而已以青丘道行軍總管伐高麗拔其城唐薛萬徹傳

任以藩岳

唐高祖詔黎州總管曹國公徐世勣本自黎陽擁徒歸順任以藩岳誠效克彰

遼東獻俘

李勣為遼東道行軍大總管率兵二萬執高藏男建等詔勣獻俘昭陵

定義制敵

唐裴行儉為定義道行軍大總討之行儉曰以謀制敵可也因詐為糧軍車伏壯士五輩又伏精兵踵其後虜果掠車壯士突出伏兵至殺獲幾盡

箭定天山

唐薛仁貴副鄭仁泰為鐵勒道行軍總管將行宴內殿帝曰古善射有穿七札者卿試以五甲射焉一發洞貫九姓眾十餘萬冷驍騎來挑戰仁貴發三矢輒殺三人虜氣懾皆降軍中歌曰將軍二箭定天山將士長歌入漢關九姓遂衰

俘滅三國

蘇烈字定方為神丘道大總管討百濟俘其王義慈等所滅三國皆生執其王

歃血敗羌

膠東王道彥從李靖擊吐谷渾，詔為赤水道總管。帝厚以利啖，党項使為鄉導，其酋拓拔赤辭詣靖，自言：「隋擊吐谷渾，我資其軍，而隋無信，反見仇剽。今將軍若無他，我願資糧，諸將與歃血，遣之道彥至澗水，見無備，因掠其牛羊，諸羌怨為赤辭所乘，軍大敗。」

棄舟降銑

江夏王孝恭信州總管蕭銑據江陵，俄進荆湘道總管，統水陸十一軍，發夷陵破銑一鎮，縱戰艦於江中。諸將曰：「得舟當濟，吾用棄之，反資賊。」奈何？孝恭曰：「銑之境南際嶺，左薄洞庭，地險土衆，若城未拔而援至，舟多何所用之？今銑瀕江鎮戍，見艦舟蔽。」

江下必謂銑已敗，不即進兵，覘候往返，以弘救期，則吾拔江陵矣。已而救兵到巴陵，見船疑不進，銑內外阻絕，遂降。

戰俘名王

李大亮為河東道大總管，出北道與虜遇，蜀渾山大戰，破之，俘其名王。

戰獲可汗

襄邑王神符遷并州總管，頡利可汗盜邊，神符與戰汾東，斬級五百，獲馬二千。及戰沙河，獲乙利達官，得可汗所乘馬及鎧。

擊下十城

李大亮擢金州總管，府司馬王洪烈據襄陽，詔大亮安撫樊鄢，因圖之，進擊下十餘城。

進拔八城

契必何力蓋蘇文外男子為弟所逐使子詣闕降乃拜何力為
遼東道行軍大總管安撫大使經畧之副李勣同趨高麗勣已
拔新城乘勝進拔八城引兵還與勣會何力率兵五十萬先趨
平壤虜其王以獻

便宜決事

裴寂受晉州道總管討賊以便宜決事賊將宋金剛據介州寂
屯度索原賊埭水上流寂徒屯為賊所薄兵大潰

宣布恩意

李靖投嶺南撫慰大使檢校桂州總管以嶺海陋遠久不見德
非震威武示禮義則無以變風即率兵東巡所過問疾苦延見

長老宣布天子恩意遠近懽服

霹靂域內

唐長孫晟為秦川道行軍總管出討突厥晟斬千餘級有達官
來降言突厥大畏長孫總管聞其弓聲謂霹靂見其走馬稱
為閃電晉王笑曰將軍震怒威行域內分紀

蹀血虜庭

李靖為定襄道行軍大總管率勁騎三千由馬邑趣惡陽嶺頡
利可汗大驚曰云云太宗曰靖以騎三千蹀血虜庭遂取定襄
古未有軍足澡吾渭水之耻矣唐職林志

召詔入朝

泉男生授平壤道行軍大總管兼持節安撫大使舉哥勿南蘇

倉巖等城以降帝命舍人李度繹就軍慰勞賜袍帶金鈿七事
明年詔入朝所過州縣傳合作歌吹右羽林將軍李同以飛騎
迎寵

先登報國

唐張士貴貞觀中為龔州道行軍總管太宗以其冒矢石先登
勞之曰嘗聞以忠報國者不顧身於公見之

璽書褒勞

郭孝恪焉者王叛孝恪請擊之即拜西川道行軍總管率步騎
三千出銀山道夜襲其王龍突騎支屬之帝悅降璽書褒勞

金瓶賜勞

秦叔寶事秦王府拜馬軍總管戰美良川破尉遲徵有功帝賜

以黃金瓶勞曰卿不顧妻子而來歸我且又立功使朕肉可食
當割以啖爾况子女玉帛乎

賦詩祖道

張仁愿為朔方軍總管春還朝秋復督軍備邊帝為賦詩祖道
賞賚不貲

請斷石嶺

竇靜請斷石嶺以障塞突厥去入

勇冠三軍

薩萬鈞為沃沮道行軍總管從李靖討吐谷渾復馳進擊斬數
千級勇冠三軍職林

裂地獻俘

事文類聚

高麗莫支離男生為其弟所逐遣子乞師詔勦為遼東道行軍總管率兵三萬討之破其國執長藏男建等裂其地州縣之詔勦獻俘昭陵同上

銳士深入

侯君集李靖討吐谷渾以君集為積石道行軍總管君集曰王師已至賊不據險天贊我也若以精兵掩不備彼不我虞必有大利靖然其計簡銳士約齋深入大戰破之

獨全軍歸

李靖為行軍總管以江淮兵萬人屯大谷時諸將多敗獨靖全軍歸俄權檢校安州大都督

率部落降

李勣為通漠道行軍總管出雲中與突厥戰走之引兵與李靖合因曰頡利若渡積保於九姓果不可得我若約齋薄之不戰縛虜矣文靖喜以與已合於是率眾夜發勦勒兵從之頡利欲走積勣前屯積曰不得度由是酋長率部落五萬降于勣拜大都督府長史

決策深入

吐谷渾寇邊李靖往見房玄齡曰吾雖老尚堪一行帝以為西海出軍大總管靖決策深入遂踰積石山大戰數千國人多降吐谷渾伏見自縊歎

擊賊大奔

蘇烈擢伊麗道行軍大總管復征賀魯侯斤嬾獨祿擁眾萬帳

事文類聚卷之六
降烈撫之賀魯率十姓兵十萬拒戰烈兵少舒左右翼包之
烈步卒據高擡稍外向賊三突步陣不能入因其亂擊之賊
大奔

鬼董遂降

姚兕字武之爲環慶路馬步軍副總管改鄜延移鬼董據洮州
謀言青唐欲將兵由講珠梁會于洮合寇我疆兕自河州率兵
破六通宗城夜遣驍將縱火講珠梁明日青唐兵至不得遂洮
州之援鬼董遂降東都事畧

本征遂降

燕達爲秦鳳路副總管河州景思立陷於踏白城達討山後諸
羌斬首四千級還至訶喏城本征遂降同上

總領軍政

見前沿革

總治軍旅

哲宗正吏職官志總管鈐轄司掌總治軍旅屯戍營防守禦之
政令凡將兵隸屬者訓練教閱賞罰之事皆掌之續會要

機速專行

熙寧中詔諸路如遇出入之本司兵馬機速事申稟不及者副
總管得專行同上

機宜熟識

景德中以參政王欽若判天雄軍兼都總管初帝白天雄且爲
重鎮思得熟識機宜行事果斷者蒞之於是欽若請行分紀

燕達戰功

熙寧五年以燕達權發遣環慶路駐泊總管掌州之役達有戰功故自鈐轄躡遷總管然自資淺故令權發遣自燕達始也實錄

狄青材勇

狄青字漢臣京師呼為狄天使上嘉其材勇為涇原路兵馬副總管上欲一見之詔令入朝會寇逼平原乃令亟往涇原俾圖豫以進上觀其儀表曰朕之關張也於是有狄萬人之稱以敵萬人也

札授方畧

宋淳化中以參政趙昌言為川陝兩路兵馬都總管太宗以蜀寇尚有殘孽會昌言安撫招討仍賜御札數幅下寧授以方畧委任雄盛分紀

御賜秘畧

景祐四年以御製神武秘畧賜公邊總管鈐轄每得代更相授之同上

遵裕知軍

熙寧五年上謂執政曰王韶經制鎡洮獨高遵裕能吐力與都鈐轄如何王安石曰縱與權總管亦無害蔡挺曰如此即當罷知通遠軍蓋自來無總管離帥府而知軍州者上曰有事宜即出駐劄使知軍亦何妨安石曰總管知軍與鈐轄何異亦不須舊制有無也乃以遵裕知通遠軍權熙河總管實錄

張劉再任

熙寧四年涇原路都總管張玉麟延劉永年並令再任玉與

子官權密使文彦博曰兩人同是用而推恩不同上曰玉累有戰功末年但久熟鄰延未有代之者若一槩推恩無以激勸

上言耶律惠

天聖七年劉平授忻州圍練使屬上封事言趙元昊連姻耶律必為邊患授祁寧環慶副總管遣中人就賜黃金器

請待夏國臂

種子諤字子正李憲措置熙河邊事子諤鄰延路副總管秉常為母所囚子諤入對大言曰夏國無人秉常孺子臣請持夏國臂而來神宗壯之東都事畧

古今文集

律詩

奉和幸望春宮送朔方軍大總管張直詩

李嶠

玉塞微驕子金符命老臣三軍張武旆萬乘餞行輪猛氣凌玄朔崇恩降紫宸投醪還約士辭第本忘身露下鷹初擊風高鴈欲賓方銷塞北侵還靜漠南塵

獻丘常侍總管

許渾

詔遣將軍護北戎身騎白馬臂彤弓柳營還識金貂貴榆塞遙知王帳雄秋檻鼓聲驚朔雪曉波旌纛起邊風蓬萊每望平安信應奏班超定遠功

贈淮西賈兵馬使

釋清江

破虜功成百戰場天書新拜漢中郎映門旌旆春風起對客絃

[Faded bleed-through text from the reverse side of the page]

新編古今事文類聚外集卷之七

南江 富大用 時可 編

金陵 唐富春 子和 刊

諸使司部

宣慰使

歷代沿革宣慰使始於唐初元和置淄青兗豫等州宣撫使後始置宣慰使大率藩方不靖則遣重臣宣諭慰安之故有宣慰使之名宋置宣諭使以宣諭德意為職而已不與軍事無宣慰官元沿唐制置宣慰使副使斷事官經歷知事等員

古今事實

持節直入

徐州張建封卒兵亂囚監軍逼建封子愔主軍務帝以李鄴剛
敢拜宣慰使持節直入其軍大會士諭以禍福出監軍獄中脫
桎梏使復位愔即上表謝罪稱留後鄴曰非詔命安得輒稱之
削去乃受既還稱旨遷郎中

行營同詔

憲宗因淮西久未成功遣尚書左丞許孟容行營宣慰令面詰
賁光顏重胤一月內賊平

宣慰河北

王縉祿山亂擢太原少尹佐李光弼以功加憲部侍郎遷兵部
史朝義平詔宣慰河北還有旨俄拜黃門侍郎同平章事鎮河

東節度本傳

宣慰魏博

田弘正圖魏博相衛具漕之地籍其人以獻憲宗美其誠詔充
魏博節度使又遣裴度宣慰度明辨具陳朝廷厚意弘正不覺
自失乃深相結納奉上益謹復請度徧行其部宣示天子恩詔
魏人由是歡服又裴度至魏博宣慰以錢百五十萬緡賞軍士
六州百姓給復一年軍士受賜歡聲如雷並本傳

馬總副裴度

馬總副裴度宣慰淮西吳元濟擒為彰義節度留後蔡人習僞
惡相掉許獮戾有夷貊風總為設教令明賞罰磨治洗汰其俗
一變本傳

巢父見田悅

孔巢父為魏博宣慰使巢父辨而才及見田悅與言君臣大義利害逆順時悅久不臣喜曰不圖今日還為王人酒中悅起自陳騎射且曰陛下見用何敵不摧巢父曰若爾不早引歸乃一劇賊耳國方多虞待子而息數日田緒殺悅遂與大將邢曹俊等聽命巢父即以緒權知軍務紓其難

無若孟陽

唐憲宗詔潘孟陽往江淮察諸使治否孟陽所至流連倡樂招金錢其後鄭放宣慰江淮帝譏之曰無若潘孟陽殫才費酬飲游山寺而已

卒害真卿

盧杞德宗時拜同平章事既得志險賊浸露賢者媚能者忌小忤已不傳死地不止李希烈反杞素惡顏真卿挺正敢言即令宣慰其軍卒為賊害李揆有雅望畏復用遣為吐蕃會盟使卒于行天下無不痛憤以杞得君故不敢言本傳

宣撫使

歷代沿革唐元和十四年淄青兗鄆等十二州平詔戶部侍郎楊於陵以本官充淄青等宣撫使宋祖宗時不常置有軍旅太事則命執政大臣為之累朝但除向文簡范文正富文忠文忠烈韓獻肅五人仁宗征懷智高以狄青為宣撫使武臣宣撫自此始建炎三年張魏公以知樞密院為宣撫處置使其後杜承

相周仲弼孟富又趙元鎮虞樞甫王公明鄭仲一沈德之輩皆
自二府出爲之虞公始以元樞除太資政矣上恐味足爲重後
三日乃復帶知樞密院事焉若前宰相爲宣撫則自渡江已後
亦止除李伯紀呂元直朱歲二三人紹興元年劉光世以使相
宣撫淮南武臣非執政而爲之自此始二年李泰發以端明殿
學士爲壽春等州宣撫使文臣非執政而爲之自此始然自紹
興至嘉泰武臣止劉光世韓世忠張俊岳飛吳玠從官止李光
發王伯似二人蓋重之也元仍唐宋制置之

古今事實

便宜行事

樞密直學士明鑑討具州未下參知政事文彥博請自往督戰

以彥博爲河北宣撫使彥博奏今在軍中請得便宜從事上許
之閏月克貝州擒王則涼水記聞

節制諸將

鄭剛中字亨仲爲川陝宣撫副使節制諸將極其尊嚴二都統
每入謁必先庭揖然後就坐及吳玠升檢校少師來謝語主閣
吏求講釣敵之禮剛中曰少師雖尊猶都統制耳倘變常禮是
廢軍容玠惶恐聽命中興係年錄

活飢民

慶曆二年韓琦宣撫陝西屬歲大飢羣盜嘯聚悉討平之是歲
河中同華等十餘州飢民相率東徙選官發省倉以賑之蒲華
同三州所活百五十四萬餘人他州稱是召琦歸缺編年簡要

修軍政

虞忠肅公允文為四川宣撫首効大將任天錫剝下為苞苴又効守令劉洪宋琛等十人之病民者又薦可為將帥三人進偏裨二百餘人諸軍歡呼四蜀交賀於是開公平之路絕請謁之私而軍政修矣言行錄

智局戰敗

狄武襄公青廣源州蠻儂智高叛連破七州仁宗遣青為宣撫使率眾擊之至賓州時儂寇還守邕州青懼崐崙關為所據乃下令具五日糧休士卒賊謀知不為備是夜青率眾半夜度崐崙關近邕州賊方覺逆戰於歸仁鋪賊遂大敗

忠彥械誅

李綱字伯紀為湖廣宣撫使有統制官張忠彥者駐軍廣州頗擾一路公為宣撫使召之不來公察忠彥樂為郡檄令權知岳陽忠彥果至即械送所司取旨誅之並同上

僉書出鎮

治平三年以僉書郭達宣撫陝西判渭川上曰第領樞職獨重使權自呂余慶以叅知政事知成都其後見任執政無守藩者至達始以僉書出鎮編年備要

御殿置宴

咸平三年詔兵部侍郎叅知政事向敏中充河北東路沿邊宣撫大使樞密直學士馮極陳堯叟充副大使巡按郡國存問官吏將校耆老百姓等真宗御長春殿置宴以遣之

就拜平章

韓康國公絳熙寧二年夏寇大入慶州境以公為陝西宣撫使自受命至陞辭三日而行贈金縉及織文袍纓至邊悉與將吏治兵郵延使和諤出青澗城公欲自高奴通道河東詔兼河東宣撫使就拜同中書門下平章事言行錄

功出儒者

虞忠肅公允文字彬父逆亮叛順王權失律公以宣撫視師江上大破賊軍逆亮遁入揚州是日李顯忠至公曰京口無備我欲往公能分兵見助否顯忠即分李捧軍一萬六于人及戈船百艘會于京口公至京口謁劉錡錡曰朝廷養兵三十年我輩一技不施今日大功乃出於一儒者我輩愧死矣同上

古今文集

古詩

和錢王駿巡邊

張說

六月歌周雅二邊諗夏卿欲施攻戰法先作簡稽行禮樂知謀帥春秋識用兵一勞堪定國萬里即長城策布和戎利威傳破虜名軍前雨洒道樓上月臨管別藻羅華降同衣錦襟榮關山由義近戈甲為恩輕綠竹路傍散風雲馬上生朝廷為吉甫邦國望君平

律詩

送鮑中丞赴太原

盧綸

暫趨西掖望全解北門憂專幕臨初護親管制督郵

送范司空赴朔方

呂溫

築壇登上將滕席委前籌虜滅南侵趾朝分北顧憂抗旌廻廣漢撫劔動旄頭

安撫使

歷代沿革梁武帝普通六年魏以酈道元為大使慰撫六鎮太使始此隋文帝開皇九年詔遣柱國韋洸安撫嶺外又仁壽四年以楊素為并州道行軍總管河北道安撫大使唐正觀初遣大使十三人巡省天下諸州水旱則有巡察安撫存撫之名節度使兼之則有副使天授二年發十道存撫使聖曆中狄仁傑為河北道安撫德宗正元又置副使宋舊不常置自咸平二年以翰林學士王欽若為四川安撫使知制誥梁顥為陝西安撫

使安撫使之名始此其後景德三年始置河北沿邊安撫使以雄州守臣為之而陝西沿邊諸州亦有安撫使慶曆二年詔置湖南安撫司八年詔置河北四路安撫以韓琦王拱辰賈昌朝等充諸路使皇祐四年詔廣桂二州帶經略安撫使熙寧五年罷諸路經略安撫司崇寧二年置河南安撫使宣和二年置輔郡內穎昌府帶京西安撫使宣和三年臣僚言睦賊猖獗乞以杭越知州兼本路安撫鎮撫一方詔杭越州江寧府守臣並帶安撫使詔洪州守臣可依江寧府安撫使凡諸路安撫逐州知州兼以直秘閣以上充掌總護諸將統制軍旅察治姦宄以肅清一道凡兵民之政皆掌焉即其屬而聽其獄訟頒其禁令定其賞罰稽其錢穀甲械出納之名籍其行以法若事難專決則

具可否稟奏即于機速邊防及士卒抵罪則聽以便宜裁斷係
邊任則緩御夷狄撫寧疆圉若甲兵屯戍芻粟餽運則視其緩
急盈虛而移用之掌凡戰守之事建炎元年李綱請沿河沿淮
沿江置安撫使兼馬步軍都總管以文臣充二年令將兵處知
州帶管內安撫使後自四年置鎮撫使罷逐路安撫使後罷鎮
撫使置安撫使如故時諸路又有安撫大使自兩浙西路劉光
世始一品以上為帥即為安撫大使元有安撫使又有副使正
使正三品副使正四品

羣書要語內有百揆四岳外有州牧侯伯書藩侯詩千里之外
設方伯記受瑞析圭建摩作牧文選當藩垣屏翰之任有弓矢
鈇鉞之權韓文送俱文珍序五都伯長送張章子序方州大臣

答元侍御書 大夫烏公以鈇鉞鎮河陽送温造序來帥能罷四

方作儀連理木頌 出谷岳政入填邦紀惠文太子冊繫我輔臣

伯茲列岳冊尊號赦尹正大都節度羣州皇甫湜荆南判官廳

壁記 大旆高牙任雄節制楊億代表代荷寵榮謬居垣翰李師

道詔 無安帥節之樂猶侍衮衣之選韓琦判相州制

詩句 印綬歸台室旌旗別將壇韓愈李十八次襄城分闡救世

用賢蒙趙公王立高歌起杜近來廊廟多西帥出相誰言只在

東楊誠齋送丘密帥蜀西蜀宣威百萬兵會須號令自精明折同

上京兆從教思廣漢會稽聊喜得方面東坡送錢穆父守越

古今事實

士服威愛

皇朝文獻通考卷之七

程務挺以左衛大將軍為單于道安撫大使禦突厥務挺善綏士服其威愛突厥憚不敢寇邊唐會要

帝稱文武

儀鳳二年詔裴行儉為安撫大食使歸至京師將吏為刻石碎葉城紀功帝勞曰行儉提孤軍深入萬里兵不血刃叛黨禽夷可謂文武兼備矣職林

乞赦脅從

狄仁傑字懷英突厥入越定標掠遁去拜仁傑河北安撫大使時民多脅從於賊仁傑願曲赦河北一切不問詔可同上

許以便宜

馬儉為并州道安撫大使許以便宜

全活飢民

韓魏忠獻王琦益利路人飢為體量安撫使公至則蠲租減稅以募入粟招募壯者刺以為廂禁軍檄劍門關民流移欲東者勿禁全活飢民百九十萬蜀人曰使者之來更生我也

體量官吏

范雍充陝西沿邊州軍體量安撫使詔所至察訪邊民利害及體量官吏能否會要

大修戰陣

錢若水撰劉肅公珙謚議公鎮江陵條上兵少才匱之狀除去詭名虛籍之弊大修部伍戰陣之法且謂襄陽兵戍久屯不歸為不使則立番休之制軍情大悅

大戢驕兵

程明道撰彭思永行狀云河朔謀帥以公鎮高陽時狂於承平治兵者鮮明紀律公為帥方重嚴正犯者頗以兵法從事驕兵大戢

錄問繫囚

咸平三年以翰林學士王欽若為并州道安撫大使知制誥梁顥為陝西路安撫使所使錄問繫囚真宗諭之曰朕觀省風俗尤難其人數日思之無易卿等各宜宣布德澤使知朕勤恤意

惠愛百姓

張忠定公壽外和內剛臨事有仁者之勇在蜀四年尤著惠愛百姓皆畫像以事後帥李瓌贊云公昔在蜀于載一人公今七

蜀千百其身願公再來以慰斯民蓋實錄也 周益公集

到部賑貧

韓康國獻肅公絳字子華江淮兩浙歲飢以公體量安撫江真東西二路到部則發倉廩賑貧乏問百姓疾苦

畫策弭盜

宰執奏福建安撫葉夢得措置弭盜之事上曰盜之竊發多緣守令非人培克所致宜令帥司條具凡有害於民者除之自此公或招或捕或誘之相戕三策並用 莫庸撰葉夢得行狀

畫像立祠

韓魏公所歷諸大鎮皆有遺愛人人畫像事之獨魏人立生祠為塑像歲時瞻莫比狄梁公戎狄尤畏公名凡使契丹及來使

者必問韓侍中安否言行錄

渡道拜泣

許汾知鄧州兼荆南西路安撫使政尚寬簡務為勸戒而人盡其情庭無留訟蓋一本於誠信故人愛服之在鎮四年一路獄空者八十縣鄰路飢流詔公賑濟活二萬六千九百有奇去之日百姓遮道拜泣比之召父杜母而立祠于堂許龍圖行狀

錄諸將功狀

劉忠肅公珙巨寇李金奮起為亂以公為荆湖南路安撫使公入境賊眾已數萬公檄鄰道謹斥埃守隘塞亟奏請下荆襄發卒又遺書制置使沈介請毋須報而亟遣介為遺兵官軍日盛而賊勢日衰於是賊徒執李金以降苗黨盡戮既乃錄諸將之

功狀列上不以一毫有所私上嘉嘆再下兩書褒美朱晦菴撰行狀

薦諸將可用

王文忠公堯臣元昊反以公為陝西體量安撫使視四路山川險易還言某路宜益兵若干某路賊所不到某路宜急為備至於薦諸將其可用者二十餘人後皆為各將言行錄

古今文集

雜著

代裴相公讓河南府道副元帥表 常袞

伏以東征之寄相宅之選皆周召之臣保釐統一也故二南風化見美詩人况洛邑經陸渾之戎有舊染之俗賴陛下發皇明以燭之布陽和以煦之流散稍歸傷痍甫起然猶師居之任宜

事文類聚

安保其無害自此以為故事帥臣動輒臨戎恐非國家之長策也仰惟神宗皇帝垂意邊事而謨深遠乃熙寧九年知成都府蔡延慶言乞發陝西兵援茂州俟兵集自將以往令轉運司攝府事詔朝廷已遣將部兵延慶務在持重毋得輕去成都元豐六年河東經略司言西賊入麟州神堂寨知州管虎等領兵出戰有功詔虎自今毋得輕易出入遇有寇邊止令裨將出兵擒逐神宗之慮深矣蓋帥守之臣民之司命一有失宜衆心易動當令指授方略調度軍食持重鎮撫以靖一方雖有桎梏根本不搖若使輕出利害實大蓋帥臣之行建牙郊野堪戰之士咸在行陣從行兵卒必是單弱而又隨宜遷次登陟險隘脫有黠桀之盜伏隱篲竹乘間捷出以犯大帥之顏行則賊勢易張國

威難振倉卒之頃可勝言哉故延慶有請既拒而不從管虎成功亦因以切戒此臣平日之所慮適合信使之所傳無事而言似非時務愚者一得願效君前伏惟俯矜微悃曲留宸念臣甚

古詩

呈王中丞盧院長

韓愈

聲名動朝闕光寵耀京洛
旁午降絲綸中堅擁鼓鐸
江淮永清晏宇宙重開拓
印從負鼎假門為登壇
鑿再入更深巖又逢彌
蹇譎賓筵盡孤趙舞騎多
衛霍帶垂蒼玉佩轡盛黃
金絡五門氣爭呼六奇心
運度

送薛穎叔帥熙河

蘇子瞻

西方猶宿師論將不及我
苟無深入計緩帶我亦可
我欲歌杖

杜楊柳方婀娜。邊風事首虜。所得蓋么麼。願得魯連客。一射聊城筇。

送元厚之帥福州

王介甫

元侯文章翁。更以吏能著。今為大帥府。千里來赴愬。銜詔出黎嶺。方為遠人慕。旌旗滿流水。冠蓋東門駐。

律詩

聞晉公自蔡州入觀

韓愈

南代旋師太華東。天書夜到冊元功。將軍售壓一司貴。相國新兼五等崇。

贈淮西賈兵馬使

釋清江

破虜功成百戰場。天書新拜漢中郎。映門旌旆春風起。對客絃

歌白日長

送鄧漕移帥揚州二首

周必大

碧幢紅旆擁西風。幾點淮山落眼中。臥轍正看留使者。褰帷早已識元戎。兒童騎竹迎并牧。父老封棠記召公。人望汲卿居禁闕。淮陽只恐又匆匆。

聞道維揚地望雄。風流人物似江東。六龍前日臨淮海。五馬由來說醉翁。璧月幾橋留夜色。珠簾十里待春風。遙知九日平山會。笑插茱萸滿鬢紅。

留別金陵韓帥二首

周必大

十二麟符玉截肪。腰間仍映帶圍黃。化行江國春常早。訟息階除日自長。槐影緩趨三接晝。棠陰先滿十連堂。子淵去踏長安

道待賦中和奏未央

再展賓筵又一暮。千金敝帚賴提撕。泮宮正采僖侯藻。太學俄
其吏部。人似塞鴻春向北。心隨江水日潮西。太平勲業須公
助。不用頻年戀節旌。

送廣帥秩滿之官丹陽

楊廷秀

北門臥護要耆英。小試胸中十萬兵。天借金山陰落日。身兼鐵
甕作長城。何知嶺上因歸路。摘取梅酸去作羹。已有紫泥教請
闕。便應留住付鉤衡。

送朱師古龍圖少卿帥潼川

楊廷秀

壁水蓬山徧羽儀。須臺公府更光輝。紫荷到眼垂持橐。黃菊開
心便拂衣。鸞子運籌年尚少。買臣衣繡日思歸。少煩諭蜀須還

報却袖香烟侍太微

餞洪帥張伯子移鎮京口

楊廷秀

夢入飛雲卷雨簾。袖却繁岩作霖手。滕王閣上唐阿舒。春生秋
殺震江湖。吏部未見張尚書。春生儘有秋殺無。江西十州百萬
戶。父非姓召母非杜。

餞趙子直出帥益州

楊廷秀

欽水花潭照碧油。西清學士舊黿頭。隨身琴鶴如清獻。治蜀功
名更蜀侯。

送趙德老端明帥蜀

樓鑰

身名俱泰老尚書。叱馭寧辭萬里途。兩地恩榮真赫奕。四川父
老定歡呼。垂崖袍帶今重見。清獻琴龜我更無。頻向筭邊樓上

望歸來方略上新圖

送溫州

蘇子瞻

威聲又數中興年。一虜行當一矢聯。聞道名城得真將。故應驚
羽落空弦。追鋒歸去。雄三衛授鉞。重來定十連。

送福建張比部

王介甫

畫船簫鼓出都時。萬里驚人去不追。却望塵沙應駐節。會逢山
水即吟詩。

贈馮揚帥

楊次公

天下無雙士。淮南第一州。文章老元帥。節鉞古諸侯。路穩歸黃
閣。功成建碧油。風雲生鷓首。蛟蜃怯龍頭。

和送朔方大總管

李矯

玉塞微驕子。金符命老臣。三軍張武旆。萬乘餞行輪。猛氣凌玄
朔。崇恩降紫宸。投醪還約士。辭第本忘身。露下鷹方擊。風高鴈
欲賓。方鉞北塞。祿還靜漠南塵。

送嚴黃門再鎮蜀川

岑參

授鉞辭金殿。承恩戀玉墀。登壇漢主用。講德蜀人思。

送李中丞赴商州

韓翃

當年紫髯將。他日黑頭公。不異金吾寵。兼齊王帳雄。

上河陽李大夫

蘇子瞻

上將秉神略。至兵無血威。寒劔奪衆景。夜星火長輝。武牢鎖天
關。河橋紐地機。

蘇子瞻

蘇子瞻

經略使

歷代沿革唐正觀二年邊州別置經略使此蓋使名之起節度
 兼度支管田招討經略使則有副使判官各一人儀鳳二年
 以黑齒常之為河源軍經略大使永淳元年婁師德為河源
 軍經略副使至德二年賀蘭進明除嶺南五府經略兼節度
 使建中元年除元琇節度始不帶五府略經宋不常置咸平五
 年始以右僕射張齊賢為邠寧環慶路經略使判汾州諸路
 軍馬並受節度又以鄧州觀察使錢若水為并代經略使判
 并州自後不除入寶元中夏人入寇始命陝西沿邊大將皆
 兼經略皇祐間儂智高擾邊詔知廣桂州並帶經略安撫使

自後西南二邊常帶經略所以重紳權而服羗夷也其經略
 安撫各以直秘閣以上充掌一路兵民之事皆帥其屬而聽
 其獄訟頒其禁令定其賞罰稽其錢穀甲械出納之各籍而
 行以法若事難專決則具可否稟奏即于機速邊防及士卒
 抵罪則聽以便宜裁斷帥臣任河東陝西領南路職任綏御
 戎夷則為經略安撫使南渡之初依舊制廣南東路帶主管
 經略安撫司公事西路帶經略安撫使紹興五年令襄陽守
 臣湖北帥帶經略安撫使後罷而二廣如故 **元**經略使正
 三品副使從四品經歷七品

詩

切英英桂林伯實惟文武才

韓愈

二十四州民樂不莫教一

物怨窮途

張孝祥

紅旗照海壓南荒微入中臺作侍郎 韓退之

車文類聚夕集

卷之七

七

身之類身女集 卷之十

贈刑部馬侍郎 斧鉞下青真樓船過洞庭北風隨爽氣南斗避

文星杜甫送李大夫赴廣州

古今事實

威名流聞

戴叔倫為容管經略使綏徠夷落威名流聞其治清明仁恕多方略所至稱最德宗嘗賦中和節詩遣使者寵賜唐職林

威聲風行

唐裴行立為安南經略使威聲風行

綏定八州

唐元結為容管經略使自諭蠻豪綏定八州民樂其教立石德都督諸軍

元和十二年衛史中丞裴公來蒞茲邦都督二十七州諸軍州事盜息奸革德惠敷施暮年政成柳子厚桂州賀家淵亭記

管領外地

唐涼公房為涼州經略管領外十二州之地稅節賦詩公私有餘削衣貶食不立資遺以班親舊為友為義

平嶺表夷

唐王雄字宏肱大曆中為容管經略使平嶺表夷獠代宗遣使慰勞加金紫光祿大夫職林

恩被異域

宋朝余襄公帥一廣幾十年恩信被於異域如交趾大理特磨南詔之國皆可以頤指氣使公之文武之才可謂具矣言行錄

海峽類聚

德著夷夏

范文正公帥邠延涇慶四都恩德著聞夷夏從服熟戶蕃部率稱曰龍圖老子至于元昊亦以此呼之澠水燕談

外蕃貢珍

徐申字維降為容管經略使黃洞納質供賦不敢桀外蕃感以珠璣瓊香文犀浮海至申於常賦外未嘗賸索商賈饒益職林

寇攘順化

張公師為安南經略使自為吏習於海邦去之則夷獠稱亂復至則寇攘順化及受命專征牧入盡區處之方制國備形體之法道阻而備有貨地偏而具五穀儲峙委積師旅無庚癸之呼繕完板幹控帶兼戎已之位皆用周禮率由漢儀易野之守險

逾丘陵而萬世無虞奇珍良貨溢于王府殊俗異類盈于蒙街優詔累旌其忠良太史嗣書其功烈唐聯林

築城據要

范文正公為環慶路經略安撫招討使於延州築青澗城狼膏田復永平廢寨熟巷歸業數萬戶於慶州城大順以據要害奪賊地而耕之又城細腰胡蘆於是明珠滅藏大族皆去賊為中國用言行錄

弛禁通輸

劉徽猷子羽字彥修宣撫司移軍闡州吳玠戍何地王彥戍金州二鎮皆飢而興元帥過為守備閉關塞褒斜二鎮病之公乃承制拜公利路經略兼知興元府公至之日盡弛其禁民飢通

商輸粟一鎮乃安言行錄

摩兵血戰

范仲淹知慶州兼經略招討使未幾賊兵三萬叩城仲淹摩兵血戰賊奔而北久之种世衡不利於定州以仲淹晝夜為領兵援初関人心搖動及見仲淹耀兵號令嚴兵威震戎落人心遂安相賀曰邊上自有龍圖公為長城吾屬何憂

究馬利病

張敬夫經略安撫廣南西路朝廷買馬橫山歲久弊積邊氓告病而馬不時至公究馬利病得六十餘條皆有以窮其根究而事為之防由是諸蛮感悅爭以善馬來歲額率常先期以辨宋晦菴集

移檄交趾

余襄公靖字安道嘉祐五年交趾寇邕州殺五巡檢驛召公以為廣西體量安撫使公至則移檄交趾召其臣費嘉祐詰責之嘉祐惶恐對曰種落犯邊罪當从願留取首惡以獻即械送五人送欽州斬于界上言行錄

移文諭蜀

唐質肅公介知大原府河東經略使至則首戒邊將毋生事初代州岢嵐軍虜數擾邊公遣兵撤其境上堡柵又移文諭以利害嚴守以待之遂不復敢動

元昊欽畏

鄭戢字天休為陝西經略安撫招討使巡邊至鎮戎軍趣蓮花

聖朝名將外集
卷之七
堡元昊方擁兵近塞謂其下曰我已遣人使稱臣朝廷何為行用此公護諸將其欽畏如此東都事略

蠻酋叩謝

李浩公字德遠為廣南西路帥有人對論擇帥事者上欣然顧之曰如廣西朕已得人矣李浩也公至鎮勤於民事郡舊有靈渠通漕運溉田甚廣歲頗湮塞公命疏治之民賴其利營管所領羈縻安平州蠻酋特險凶橫聚兵謀為邊患公遣單使開心見誠諭以禍福即日叩頭謝過焚撤水柵受約束曾李程撰李殿撰浩行狀

驚賊破膽

范仲淹與韓琦吐謀必欲外復靈夏橫山之地邊上評曰軍中

有二韓西賊聞之心膽寒軍中有一范西賊聞之驚破膽元昊大懼遂稱臣名臣傳

得人死力

唐劉雅為隴右經略使輕財愛士得人之死力

簡閱州兵

南軒先生張栻經略安撫廣南西路所統州二十有五遠負荒殘故多盜賊檄外蠻夷間亦入塞為暴而州兵皆脆弱慵惰又乏糧食死亡輒不補公為之簡閱州兵汰冗補闕籍諸州掠卒伉健者以為效用合親兵摧鋒等軍日習而月按之視諸州有不足於糧賜若戈甲之費者更許漕司鹽本羨錢以佐之傳今溪洞酋豪諭頭盜睦鄰毋得輒相仇殺生事而他所以立恩信

謹關防亦無不備於是境內肅清方外柔服莫府無南鄉之慮矣臨菴文

節制諸司

予為鄜延經略使日新一廳謂之五司廳延州正廳乃都督廳治延州事五司廳治鄜延路軍事如唐之使忠五司者經略安撫總管節度觀察處置五使今節度之職多歸總管司觀察歸安撫司處置歸經略司其節度觀察兩案并支掌惟判官今皆治州事而已經略安撫司不置佐官以帥權不可不專都總管副總管鈐轄都監同簽書而下皆受經略節制沈恬筆談

祖於瓊林

咸平四年以兵部尚書張齊賢充涇原儀渭鄜寧環慶鄜延州

保安鎮戒渭遠軍安撫經略使知制誥梁顥副之帝以邊將玩寇朔方糧道艱阻故命齊賢等使焉即命發日馳騎而往仍命宣徽南院使周瑩祖於瓊林院

歸裝無南物

李殿撰浩為廣南西路帥奉法循已律已甚嚴自嶺右歸裝無南物

歸不載南物

余靖知廣州唐之番舶裝船舊自取稅公奏罷之以徠遠商又請立法戒當任官吏不得市南藥及公北歸不載南物

古今文集

雜著

桂州新城記

王介甫

儂智高反南方出入十有三州而十有二州之守吏或死或不
死而無一人能守其州者豈其材皆不足歟蓋夫城郭之不設
兵甲之不戒雖有智勇猶不能勝一日之變也天子於是遂推
選士大夫所論以為能者付之經略而今尚書工部侍郎余公
當廣西焉寇平之明年董越接和乃古城桂州以至和元年八
月始作而以二年之六月成夫其為役亦大矣蓋公之信於民
也久而費之欲以衛其財勞之欲以休其力以故為是有大費
與大勞而人莫或以為勤也故文王之起也有四夷之難則城
于朔方而以南仲宣王之起也有諸侯之患則城于東方而以
仲山甫此一臣之德優於其君於其為國之本未與其所先後

可謂知之矣慮之以悄悄之勞而發之以赫赫之名乘之以
翼之勤而續之以明明之功蓋其君臣如此而守衛之有其具
也今余公亦以文武之材當明天子承平日久於補弊立廢之
時鎮撫一方修捍其民其勤於今與周之南仲仲山甫蓋等矣
是宜有記也

律詩

送張子智移師入桂

楊廷秀

握刀將師迎牙纛龍尾名臣進寶奎虎頭移鎮赴喀溪解辨戎
蠻貢象犀翠浪玉虹餘昨夢碧參羅帶入新題鳳池雞樹公栖
處早個雲飛不要梯

送鄭權尚書南海

王建

城頭龍腦鋪關口象牙堆。物設薰爐出。蜜辭晚節開。市喧山賊破。金賤海船來。白氍家家織。紅蕉處處栽。已將身報國。莫起望鄉臺。

送桂州嚴大夫

韓愈

蒼蒼森八桂。茲地在湘南。江作青羅帶。山如碧玉環。戶多輪翠羽。家自種黃柑。遠勝登仙遠。飛鸞不假驂。

送靳尚書赴南海

韓愈

衙時龍戶集。上日馬人來。風靜鷓鴣去。官廉蚌蛤回。貨通獅子國。樂奏越王臺。事事皆殊異。無嫌出大才。

送嚴大夫赴桂州

白居易

地壓坤方重。官兼憲府雄。桂林無瘴氣。栢首有清風。山水衙門

外。旌旗艘艤中。大夫應絕席。詩酒更誰同。

送徐大夫赴廣州

劉長卿

上將壇場拜。南荒羽檄招。遠方來百越。元老事三朝。霧透龍川暗。山連象郡遙。

送鄭尚書出鎮南海

張籍

牙旆從城展。兵符到府開。蠻聲吟夜市。海色潤朝臺。

送李大夫赴廣州

杜甫

斧鉞下青冥。樓船過洞庭。北風隨棹氣。南斗避文星。

寄陽桂州

杜甫

五嶺皆炎熱。宜人獨桂林。梅花萬里外。雪片一冬深。

送鄭尚書赴南海

韓愈

事文類聚十卷

番馬軍府盛欲訖暫停杯蓋海旌旗出連天觀閣開

送嚴大夫

王建

嶺頭分界堠一半屬湘潭水驛門旗出山蠻洞主參

送范經略仲濟

蘇軾

廟堂選世將范氏真名賢仁風被宿麥綠浪搖秦川

留守

歷代沿革漢和帝南巡張禹以太尉兼衛尉留守隋大業九年

代王侑留守西京十二年李淵太原留守王威高君雅為副

唐太宗正觀十七年親征遼東置京城留守以房玄齡充蕭

瑀為副其後車駕不在京都則置留守以金吾大將為副威

亨二十二年高宗幸洛陽以雍州長史李晦為西京留守其後車

駕發京都則置留守以右金吾大將軍為副留守太原府亦

置尹及少尹以尹為留守少尹為副留守謂之三都留守

代晉天福七年勅留守之任委寄非輕凡降綵綸宜同將相

今後除留守宜降麻制留守降麻自安彥威始宋天子巡狩

親征則命親王或大臣總留守事建隆元年親征澤潞以樞

密使吳延祚為東京留守其西南北京留守各一人江南應

天府尹各一人留守尹闕則置知副府事一人以郎中以上

充通判各二人一掌留守一掌府事以朝官充留守司掌官

鑰及京城守衛修葺彈壓之事畿內錢穀兵民之政建炎初

京城有副留守以檢校少傅寧武軍節度使范訥充留守以

侍衛親軍都指揮使遂安軍承宣使郭仲荀副之 又有西京

留守並係執政從臣充兼節制軍馬其後武林建鄴並建行
官留守從權措置百司事務六年有行宮同留守 以左通奉

大夫孟廣提舉萬壽觀兼侍讀充 詔二留守並權赴尚書省
治事 是年八月三省已降指揮三省樞密院常程事務並聽
行官留守司與決並權赴尚書省治事

元有南都留守同

知留守副留守 武林視汴都而建鄴視三都馬紹興四年參

羣書要語 山國用虎節 周禮 秦使杞子戍鄭掌北門之管傳謹

守管鑰 漢蕭何 房喬居守聖君無回顧之憂 類要 明皇東守命

開府以居留 去 上方委留鎮 白集韓阜留守制 主鑰東門杜牧

之集 命爾居守俾之保綏 陸集賈耽制 統禦都邑提持紀綱同

上乃眷留都之重 歐公除劉沆制 委以別京之重 文彥博

居留之任 賜彥博口宜 守官鑰之謹嚴 文彥博謝表 眷是別都

之重 溫公賜韓琦詔 近仕京都之鑰 荆公除李韓制

古今事實

別造玉符

傳符之制京都留守曰麟符隋煬帝幸遼東命樊子蓋東都留
守屬楊玄感作攻城子蓋備禦有功車駕至高陽道詣行在
所帝勞之比蕭何冠帽且謂曰公宜持重又甲五百人而後出
此亦勇夫重閉之義無賴不軌者便誅鋤之凡可施行無勞形
迹今為公別造玉麟符以代銅獸 六典

乃賜鐵券

事文類聚外集 卷之七 二五

郭子儀為京城留守自變生倉卒賴子儀復安帝曰子儀固社稷臣因勞曰用卿晚故至此乃賜鐵券圖形凌烟閣唐職林

臥總留臺

貞觀中太宗幸王華宮房玄齡以疾臥總留臺

並加持節

後魏高祖南伐以太尉元不廣陵主羽留守京師並加持節

宜隆絲綸

見沿革注

必賜旗甲

唐元和九年以尚書左丞呂元膺充東都留守舊制命留守必賜旗甲與方鎮略同及元膺受任終無所賜朝論以東有寇虞特用元膺不當削其儀制以阻威望諫官上疏曰華汝壽三州

列賜戎械居守之重固宜寵借憲宗曰此數處並不當與其後遂皆停

付六府事

隋楊瓚居守帝謂之曰六府事殷一以相付朕將遂事東方無西顧之憂職官分紀

治綠野堂

裴度字中立文宗時留守東都時闡整檀威權天子擁虛空度不復有經濟意乃治東都綠野堂野服蕭散為之把酒不問人間事帝知度神明不衰每人自洛來必問度安否

國之元老

唐元宗東巡宋璟為留守上臨發謂璟曰卿國之元老為朕股

肱耳自今將巡洛邑為別歷時所有嘉謀嘉猷宜相告也璟因極言得失特賜絳絹等仍手制曰所進言書之坐右出入觀省以誠終身其見重如此

民號良吏

顧少連字夷仲為東都留守表閑田以利民號良吏

任關中事

漢與諸侯擊楚蕭何守關中以便宜施行上來以聞計戶轉漕給軍漢上數失軍遞去何常與關中卒輒補缺上以此轉屬任何關中事漢蕭何傳

無西顧憂

光武曰昔高祖任蕭何於關東無復西顧之憂得專征山東終

成大業

治尚寬簡

源乾曜留守京師治尚寬簡人安之

治以和簡

權德輿治以和簡人以寧便

戎政歡服

劉政武德初留守太原調輯戎政遠近歡服

號令精明

王翊字宏肱為東都留守既至開田二千餘屯修器械皆良金壽革練士卒號令精明吳少誠叛獨東畿為有備

罷守失望

裴度罷東都留守。中人使幽鎮還言。軍中謂度在朝。而兩河諸侯志者懷強者畏。今居東。人人失望。

宗社獲安

荀楨留守京師。掩獲沙門法秀謀反。太后曰。宗社獲安。實卿之功。倉卒復安。

郭子儀射生將王撫自署京兆尹。亂京城。子儀斬以徇。帝以子儀為京城留守。自變生倉卒。賴子儀復安。

賜書褒勞

杜暹帝東幸。以暹為留守。暹率當番衛士繕三宮城浚池。督役不少懈。帝數賜書褒勞。

賜詔寵異

開成中東都留守牛僧孺徵拜左僕射。令左軍副使賁告身宣賜舊例。留守入朝無中使賜詔。上特寵異之。唐會要

行留悉總

房玄齡為相。會代遼留守京師。詔曰。公當蕭何之任。朕無西顧之憂。凡糧械飛輪行留悉裁總之。

治行第一

張延賞為東都留守五年。治行第一。

或用舊德

唐故事。居守之任。或用舊德。或用故相。未嘗以武將而當保釐之重。長慶二年。以浚郊有事。地逼封。所以前義武軍節度使陳楚為東都留守。且非舊制。尋亦改焉。續通典

可倚大事

太宗幸洛陽李太亮副房玄齡居守元齡稱有王陵周勃節可倚大事

有利即行

高宗幸各陽冷河間主孝恭次子晦居守顧曰關中之事一以付卿令式之外有利於人者隨事即行不須聞奏晦果有異迹久廢復行

崔從寶曆初為東都留守故事留司官入官城門列棨衛見留守吏誕謾久廢至是復行

團結民兵

國朝葉夢得字少蘊號石林先生公留守建康團結沿江民兵

數萬至是呼集分據江津仍遣其內機宜官模領數千人守馬家渡虜果遣吾叛將鄺瓊以輕兵來犯覺有備而去言行錄

位置營壘

洪文安公遵知建康徧走郊野位置營壘民居及冢墓無相涉諸將不能易上賜手札曰寨地異向卿挺身任責非乃心王室疇克爾

全活數千

王沂國公文正公會留守洛陽屬歲歉里有困積者飢者聚黨脅取鄰郡以強盜論公但重笞而釋之遠近聞以為法全活數千計並同上

條具十事

公知建康府赴闕奏事建康東南巨鎮南渡以來行宮在焉兼
掌留鑰選用尤重公對于內殿敷陳時務當先定其規模為不
可勝以待敵之可勝又條具十事上嘉納之鄭克撰呂尚書社
行狀

輦下清肅

李沆字太初謚文靖真宗朝戎人寇邊幸鄴沆以宰臣為東京
留守不戮一人而輦下清肅

城上親督

劉錡領兵赴東京副留守任抵順昌府得報虜已陷東京公曰
其本赴留司今東京既陷幸全軍至此有城池可守當同心力
以死報國公親於城上督眾設戰具凡六日而賊至公遣擊之
頗殺虜眾既而兀朮親擁兵至公登城會諸將問策或謂宜具

舟全師而歸公曰朝廷養兵正欲為緩急之用况已挫賊鋒軍
聲稱振雖多寡不侔然有進無退公遣數百人出西門虜來接
戰俄以數千人出南門士殊死鬪虜大敗橫屍盈野賊拔寨遁
去言行錄

畫像以事

王沂公再泣大名治政益信於俗民居軍伍咸畫像以事之時
虜使每往復入境皆云此府王公在焉必沐浴潔服後入
捧縑以賜

范成大淳熙中帥江東兼行宮留守陛辭詔明日辭選德殿特
設几開宴酒三行命侍行過西小軒曰此朕清坐處也再坐上
曰勸卿一杯且有以為宿公飲訖二內侍捧縑素束上有石湖
事文類聚外集

二大字拜賜進謝上為蒲引復袖御書蘇軾詩一軸以賜

聘使書名

韓魏公鎮北門北門為聘使道舊與京尹書皆押字不名及公留守則名于書其副使成禹錫來仍喻來介曰以待中在此故特名及公去後留守引前此欲得其名強乞不可

社稷所重

景德元年駕幸澶淵真宗謂王旦曰京師社稷所重非公不可並同上

特許行留

紹興六年中書門下省言秦檜孟庾並係兼行宮留守詔特許張蓋

長於彈壓

紹興八年召呂頤浩付以建康頤浩入辭趙鼎曰頤浩之政長於彈壓建康各郡頗望其來上曰繁劇固以彈壓為先若不動聲色使百姓陰受其賜小人却不知也 中興系年錄

古今文集

律詩

寄北都留守裴令公

白居易

天上中台正人間一品高休明值堯舜勳業過蕭曹始擅文三捷終兼武六韜動入名赫赫憂國意忉忉寵重移官鑰恩新換闔旌保釐東宅靜守護北門牢豹尾交牙戟虬髯捧佩刀通夫白犀帶照地帶麟袍

喜東嶺終身集 卷之七 七

送裴司徒令守太原

劉禹錫

星使出關東，兵符賜上公。山河歸舊國，管籥煥離宮。行色旌旗動，軍聲鼓角雄。愛棠餘故吏，騎竹見新童。漢壘三秋靜，胡沙萬里空。其如天下望，旦夕詠清風。

寄東都留守令狐相公

姚合

除書東守洛陽宮，恩比藩方任更雄。拜表出時傳七刻，排班衙日有三公。旌旗嚴動臨關外，侍府洪深接禁中。

送薛尚書兼御史大夫東都留守 耿緯

副國威名重，春卿禮樂崇。賜珪推拜下，分命遂居東。高旆翻秋日，清鏡自細風。教用儒門雅，兵稱武庫雄。誰云千載後，周呂獨

為公

詩話

趙老燈臺

歸田錄俚諺云：趙老送燈臺，一去更不來。不知是何等語。雖士大夫亦往往道之。天聖中有尚書郎趙世長者，常以滑稽自負。其老也，求為西京留臺御史，有輕薄子送以詩云：此回真是送燈臺，世長深惡之，亦以不能酬酢為恨。其後竟卒于留臺。

春圃桔槔

熙寧初，魏公罷相，守北京。新進多陵慢之。魏公鬱鬱不得志，嘗為詩曰：花去曉叢蜂蝶亂，雨勻春圃桔槔閑。時人稱其微婉。

早稲田大学図書館

011488600054